

لما المحبة تلمكم

ومعاها ستر ربنا

=====

حلاوة روح !!!

وكان الدمع مش عايز

يفارق عيونك الحلوة

وكان الحزن ياناس جايز

يكون اللحن للغنوة

ساعات بتمر بالعافية

وألام القلب والصرخة

بتملى الكون

وكان الفرحة مكسوفة

تخش الدار ... ومحبوسة



وكان الدم صار مية
ولحم الخلق بالكيلو
دا شئ مجنون
يوماتي نحس طعم المر
مع الشمس إالى جاية تزور
وبتزيد المرارة مر
بكلام كتير بهتان أو زور
تخوين وظنون
وبنفارق كتير أحباب
بنترحم بصوت مبحوح
ونقول الكل باع ناسه
ورد الباب وأنا المجروح
ياريت ما يكون
عشان الكل مش فاهم

وتفسير الوضع مش لازم
ليكون تطيل من الآخر
ونعيش على بعض ونتقايم
..... حلاوة روح

=====

وييجى الليل

وييجى الليل

ونتواعد مع الوحدة

مع الأفكار ...

مع الحلم اللي عاش يحلم

يشوف جنة ف وسط النار

مع الطيف إالى فى عيونى

وفى عيونك

مع الفرحة مع البسمة